



Na osnovu člana 61. stav (2) Zakona o upravi („Službeni glasnik BiH broj 32/02, 102/09, 72/17“) i Instrukcije o postupku zaključivanja ugovora o djelu broj 01-02-2-3299-1/18, Ministarstvo za ljudska prava i izbjeglice Bosne i Hercegovine objavljuje

**JAVNI POZIV
za prikupljanje prijava za angažman vanjskih saradnika**

Naručilac posla, Ministarstvo za ljudska prava i izbjeglice Bosne i Hercegovine poziva zainteresovane osobe, koje ispunjavaju uslove iz ovog poziva, na podnošenje prijava radi zaključivanja ugovora o djelu sa saradnicima koji će biti angažovani na poslovima monitoringa/praćenja projekata odobrenih od strane Komisije za raseljene osobe i izbjeglice BiH a finansirane kroz Fond za povratak BiH.

Ugovori se zaključuju na period od 12 mjeseci.

Potencijalni kandidati ne mogu biti državni službenici, zaposlenici, niti angažovani kao vanjski saradnici ili eksperti na drugim projektima. Izabrani vanjski saradnici biće angažovani na puno radno vrijeme, o čemu će se voditi odgovarajuća evidencija izvršavanja poslova, a u skladu sa opisima poslova kako slijedi:

1. Tehnički saradnik (7 izvršilaca)

Praćenje tenderske i ugovaračke procedure; Praćenje progressa svakog pojedinačnog projekta u skladu sa potpisanim ugovorima, od početne faze projektovanja do izvođenja radova na rekonstrukciji/izgradnji objekata: Detaljan pregled projektne dokumentacije sa stručnim osvrtom na propuste i sugestijama u cilju preventivnog djelovanja na sprečavanje problema u budućoj realizaciji projekata i unaprijeđenju kvalitete projektne dokumentacije; - Obavljanje terenskih posjeta stambenih objekata/zgrada kao i komunalne i socijalne infrastrukture u izgradnji u svrhu utvrđivanja dinamike izvođenja radova i stručne provjere očekivanog kvaliteta radova; - Prisustvo na tehničkom prijemu i primopredaji izvedenih radova; - Prisustvo na konačnom obračunu izvedenih radova; Obavljanje terenskih posjeta lokacijama izgradnje objekata u cilju stručne analize stanja infrastrukture (vodovod, kanalizacija i struja; Izrada Izvještaja o statusu projekata koji se realizuju na osnovu prikupljenih informacija; Davanje stručnih mišljenja i prijedloga za unaprijeđenje implementacije projekata čija je realizacija u toku; Obavljanje i drugih složenih tehničkih zadataka u zavisnosti od potreba po nalogu neposrednog rukovodioca.

Pored opštih uslova kandidati trebaju ispunjavati i sljedeće posebne uslove:

- VII stepen stručne spretnosti tehničkog ili društvenog smjera
- položen vozački ispit B kategorije
- odlično poznavanje rada na računaru (MS Office)
- prednost imaju kandidati sa iskustvom u radu na poslovima monitoringa/praćenja projekata

Mjesto rada: Sarajevo (3 izvršioca), Banjaluka (1 izvršilac) i Tuzla (3 izvršioca).

2. Tehničko-administrativni referent (3 izvršioca)

Praćenje tenderske i ugovaračke procedure; Praćenje progressa svakog pojedinačnog projekta u skladu sa potpisanim ugovorima, od početne faze projektovanja do izvođenja radova na rekonstrukciji/izgradnji objekata: Obavljanje terenskih posjeta objekata u izgradnji kao i komunalne i socijalne infrastrukture u svrhu utvrđivanja dinamike izvođenja radova; - Prisustvo na tehničkom

prijemu i primopredaji izvedenih radova; - Prisustvo na konačnom obračunu izvedenih radova; Izrada Izvještaja o statusu projekata koji se realizuju na osnovu prikupljenih informacija; Administrativno-tehnički poslovi na nivou RC-a; Vođenje baze podataka o projektima; Obavljanje i drugih zadataka u zavisnosti od potreba po nalogu neposrednog šefa;

Pored opštih uslova kandidati trebaju ispunjavati i sljedeće posebne uslove: VŠS ili SSS,

- IV/VI stepen stručne spreme tehničkog ili društvenog smjera,
- položen vozački ispit B kategorije,
- odlično poznavanje rada na računaru (MS Office).
- prednost imaju kandidati sa iskustvom u radu na poslovima vršenja monitoringa/praćenja projekata,

Mjesto rada: Banjaluka (1 izvršilac) i Mostar (2 izvršioca).

Prijave sa profesionalnom biografijom i dokazima o stručnoj spremi i položenom vozačkom ispitu, dostavljaju se na e-mail adresu: projekt@mhr.gov.ba

Prijave se dostavljaju u roku od 7 dana od dana objavljivanja na internet stranici www.mhrr.gov.ba i oglasnoj ploči Ministarstva za ljudska prava i izbjeglice Bosne i Hercegovine.

MINISTRICA
Semiha Borovac

Br: 01-41-6-3379-1/18
Sarajevo, 27.12-2018. godine